

'Sëédhe 'ö

Zakö

-ya bɔ -Zlan -bha me -nu

'wo -pen -sü 'ka -an
-dhë bhë 'ö =ne

1 ¹'Sëédhe =ne, ma Zakö 'a -Zlan waa- kwa Dëme Yesu Klito -an -bha yuökëme 'ka, 'a- =bɛɛn. 'Ma 'we -Zlan -bha me -nu, 'ka -pen -sü 'ka 'kpongtaadhe 'saadhö -bha, ka 'ple ka 'ka.

'Wun 'ö -gban -zo -yö -Zlan -bha -sü waa- 'kpaakpadhe -an -bha

²N dhegluzë -nu, 'wun 'gbee- =suu'- 'saadhö 'wo nu -na ka -ta bhë, -wo kë ka -gɔ =zuögludhi -wun 'ka; ³bhii ka gia- 'ka- -tei' dɔ =ne -ya kë =ne 'wun 'gbee- -nu 'wo nu -na ka -ta bhë, 'ka bɔ -an 'gü -to -a 'gbee- 'ka -sü 'ka, =zuösaadhe -yö -dhö kë ka -gɔ, ka -bha -zo -yö -Zlan -bha -sü bhë -a 'gü. ⁴=Zuösaadhe 'ö ka -gɔ bhë, -ka ka 'gü dɔ 'gbee- kö -yö 'dho 'dhiö, -yö kë 'dhö kö ka -bha -kë Yesu Klito -bha me 'ka -sü bhë -yö kë 'wun 'ö- 'gü 'dhö 'puu 'ö 'wun 'yaa- -bha -a 'ka 'iin 'ö pë gbe -wun 'yaa ka -bha -a 'ka. ⁵'Ö -ya kë =ne me -ya kë ka ziën, 'ö 'kpaakpadhe 'yaa- -gɔ, kö -ya -dhe -Zlan -gɔ. 'Kpaakpadhe 'ö bhë -Zlan -yö -dhoë nu -a -dhë; bhii -yö pë -nu me 'ple -dhë -zuö' 'puu 'ka, 'ö 'yaa 'wun gbe =bleɛ'- -an 'ka. ⁶-Ka pë -gba -dhe! 'Kɛɛ kö -kun 'ö- -kë =zuötozlöödhe 'ka =ne pë 'a- -dhe =ne -Zlan -yö -dho -a kë =ne -kɔ 'a- -dhe' bhë -a 'dhö 'gbödhö poo =a; yö -ga tɔɔ me 'ö -zo -yö -Zlan -bha -sü 'yaa- -gɔ bhë, -yö =ne -kɔ 'ö 'yoo kpö -nu 'dhoë- 'ka 'ö =wa -luu'- =nëdhö 'ö 'tëë 'dhö 'dho -na -a 'ka =kwaa- 'gü, -kwɛɛ- 'gü bhë -a 'dhö. ⁷Me =suu'- 'ö 'dhö bhë, -yö kë -a 'yaan =ne yö 'ka 'dho pë gbe yö kwa Dëme kwɛɛ. ⁸'Ö tɔɔ me =suu'- 'ö bhë, =ya 'wun -nu -ya 'ö =zuö' 'piö -yaan kë, -a

'töng -ya -lo, 'ö- -kɔ 'yi -yö ga; 'iin 'ö -ya kē 'ö- -zuö' -yö to zlöö -a kēpē -nu 'saadhö 'gü.

'Wun 'ö -gban -kē 'fæzē -sü waa- -kē -bhɔzē -sü -an -bha

⁹N dhegluzē -nu, -yö -sē kö mē 'ö 'fæzē ka ziën, -a -zuö' 'glu -yö dhi ('ö bhii -a -bha -kpa Klito -bha -sü 'gü) -Zlan -yaa- kē -bhlzēzē, ¹⁰'iin kö mē 'ö -bhɔzē 'pö, -a -zuö' 'glu -yö dhi -a -gɔ 'ö -Zlan -ya -yɔɔ bhē -a -wun 'gü; 'ö tɔɔ -bhɔɔmē 'ka- -ga -na bhē, -yö -kē -nɛ -blēē' 'bin 'dhö; ¹¹-waa- pö: «-Ee'-, -dhe -ya 'po bhoo-, -an 'bin -ga -nɛ; -a kē yiē lan- -yaa- 'bhü -a -bha do, -pɛ, kö -ya ga bhē -a 'dhö; kö -blēē' 'ö -ya ga bhē -a 'bin -bha -sēdhē 'yaa 'dhö gbɔ.» -Kɔ do bhē -nɛ 'ö -bhɔɔmē dho -lo -a 'ka kö -a -bha 'wun -nu -wa yö -sē.

'Wun 'ö -gban -bɔ 'wun 'gbee- 'gü -sü waa- 'güandhe -an -bha

¹²-Zuögludhi -yö kē mē 'ö bɔ 'wun 'gbee- 'gü, 'ö- -gɔ yaa 'to -a 'gü bhē -a -gɔ, bhii -toēpö -kēdhösü 'gɔ -gblaa' 'ö -Zlan -ya -ya mē 'ö- -dho -yö -an -kē 'ö -wa bɔ 'wun 'gbee- 'gü -wa 'to -a 'gbee- 'ka -an -gɔ bhē, -yö -dho 'ö -bha yö. ¹³-Ya kē -nɛ 'güandhe -ya nu mē 'ö -dhö -a -ta, kö -kun 'ö- pö: «-Zlan -nɛ 'ö n 'gü dan bhē», 'ö tɔɔ 'wun yaa gbē 'yaa -mɔ -Zlan 'gü dan -sü -bha; yö -de 'pö 'yaa mē 'gü -dan. ¹⁴'Kɛɛ -ya kē -nɛ 'güandhe -ya nu mē -ta, kö -a -zuö' 'piö -wun -nu yaa 'ö 'yaa 'ö -kwa- -an -zü bhē -nɛ, 'wo 'wun -nu kē -na -a 'ka bhē. ¹⁵-Ya 'go mü zlöö, 'ö 'wun yaa 'wo- -ya 'ti -kē wo -zuö' 'piö bhē, 'ö- 'piö -wun -yö -kē -sɔɔn yaa 'ka; -sɔɔn yaa -de 'pö -ya kē zlöö, -ya 'dho 'dhiö, 'ö -kē mē bhē -a -bɔ -a -ta -pē 'ka 'ö ga.

¹⁶-Ka ka -de kē 'slē 'ka, n dhegluzē -nu; ¹⁷'Ö tɔɔ -nu mē -dhē -pē 'saadhö 'ka, 'ö -sē kö -yö -go dhang- 'gü. Kwa Dē -Zlan 'ö- -bha -kē -dhepuudhe 'ka, 'ö 'yaa 'go pin -taa, 'ö -dhetiidhe 'gü -wun gbē 'yaa- 'gü bhē -nɛ 'ö pē -nu bhē 'ö- -nu kwa -dhē. ¹⁸Kē- wo bhē, -Zlan -yö 'ö -wo 'ö 'wun gia- 'ka bhē -a -da kwa 'gü, -kēdhösü -dēü -nu kwa -dhē -sü 'ka 'ö -de -zo 'kun -wun 'ka kö 'kwaan- kē -a -kɔ kēpē -nu 'wo bhē 'saadhö, mē -nu 'ö 'kwa -nɛ -an -blēzē 'dhö -an 'ka.

'Wun 'ö -gban 'to 'to -sü waa- 'wun kē -sü -an -bha

¹⁹N dhegluzē -nu, -yö kē ka 'yaa- -nɛ mē 'ö -dhö -yö 'ö 'to 'to -sē 'ka, -yö -yö 'wun 'gü -kɔ dɔ; kö -kun 'ö 'wun -yö naa- -zuē 'siösio, ²⁰bhii mē 'ö -naazuēdhē kē -na bhē, pē 'ö kpengdhö -Zlan wö 'dhiö 'yaa- kē. ²¹-A -wun 'gü -nɛ 'ö 'ka dho kan pē 'ö mē -kē -dhuuzē waa- kēwun yaa -suu- 'saadhö 'wo bhē -an -bha. 'Go mü 'zü, -Zlan -wo 'ö- -ya ka -zuö' -bha bhē, -kaa 'kun -de -dho sia- -sü 'ka, bhii yö -nɛ 'ö dho ka dha.

²²Kö -kun 'ka ka -de -piö, 'to -to -Zlan -wo -bha -sü 'sloo 'ka, 'kɛɛ -wo 'ö bhē -kaa 'gü -pē -nu kē -zian'. ²³Bhii mē 'ö 'ö 'to to -Zlan -wo -bha 'ö yaa- 'gü -pē kē, -yö -kē -nɛ mē 'ö 'ö -de -ga -dhegayan 'gü, 'yö 'ö -de yö -nɛ -kɔ

ö- 'ka -a 'dhö bhë -a 'dhö. ²⁴Yö =ga, =dhe =ya ö -de -ga 'dhö, 'ö -dhegayan bhë =yaa- =waannu kö -a -zlö =ya trö -kɔ 'ö -kaa' bhë -a -bha. ²⁵Tɔng -nu 'wo go -Zlan 'piö bhë =ne 'wo -potaasü nu kwa -dhë. Me 'ö =ya -klu -a -bha -zo yö -sü 'ka, 'ö 'yaa ö 'to to -a -bha 'kpaan 'ka, kö -a -zlö -yaan 'dho trö -a -bha, 'ö- kun ö 'kun -kɔ 'ka, -Zlan -dho 'dhuë- kpɔ -a kɛpɛ -nu -bha.

²⁶=Ya kɛ =ne me =ya ö -de -ga -Zlan -bha tɔng 'kun -mɛ 'ka, 'kɛɛ kö -a 'dhi -wo -yö ya, kö ö -de -püö 'ö- wo; kö -kɛ -Zlan -bha 'nɛ 'ka -sü pin 'yaa- -bha. ²⁷Pɛ 'ö -Zlan 'ö kwa Dɛ 'ka bhë 'ö- -dhë -sɛ -a -bha tɔng -wun -kun 'gbee- sü 'gü 'ö tɔɔ: -Zo -kɛ -tenɛ -nu waa- =geandhoo -nu 'wo =wa -bhö -sü 'gü bhë -an 'piö -sü 'ka waa- -de -dhe 'kan -sü 'kpongtaadhe -bha mɛ -kɛ -dhuuzɛ -pɛ 'saadhö -an -gɔ -sü.

Kö -kun 'kwa mɛ gbe zɛ 'gü

2 ¹N dhegluzɛ -nu, ka 'ö 'ka ka -zo yö Yesu Klito 'ö kwa Dɛmɛ 'tɔbhɔsüzɛ 'ka -a -bha bhë, kö -kun 'ö mɛ gbe -zɛ 'gü kɛ -sü -yö -kɛ ka 'gü. ²-Kwa kwa 'yan kɛ 'wun bhë -a 'piö 'kwee-! -Kwa mɛ =plɛ dan 'kuɛ ka -bha -bhɔkuɛkɔ 'gü. -A mɛ do bhë =bhɔɔmɛ -mü 'ö 'sɛnnɔ -vaaga do 'dhoë- -kwa; 'ö sɔ -sɛ =duö 'dhoë- -bha; 'ö- mɛ kɛ =plɛ -naa bhë, 'fɛemɛ -mü 'ö sɔ 'blɛsü yaa 'dhoë- -bha, 'wo nu mü. ³'Ö =ya kɛ =ne mɛ 'ö sɔ -sɛ 'dhoë- -bha bhë, 'ka- 'yi 'kan, 'ka- pö -a -dhë: «-Bhö nu 'ü =yaannu -yadhe =bhlɛzɛ =ne -a -bha!» 'Ö 'ka- pö 'fɛemɛ -zɛ -dhë: «Bhi -zɛ, -bhö dɔ ü -gean!» 'iin: «-Bhö =yaannu sia- n =geendhö zö!» ⁴kö 'ka mezɛgüdhe kɛ =ne bhë, kö ka -bha 'wun -yö 'ko 'dhiö -kɔ =ya 'sü =zuö' 'piö -wun yaa -bha =ne bhë.

⁵N dhegluzɛ -nu, -yö kɛ ka 'yaan =ne 'fɛemɛ -nu 'ka -an -ga -na 'kpongtaa zö bhë, -yö -an -ya 'dhö kö 'wun -nu 'wo -gban -zo -yö Yesu Klito -bha -sü -bha bhë, -waan kɛ mɛ -nu 'wo- kuɛnnu -kɔ dɔ -an 'ka, 'go mü 'zü kö -gludɛdhe kɛ -sü 'ö- 'tɔ go -an -dhë =ne mɛ -nu 'wo- -dho -kaa', -yö -dho -a nu -an -dhë bhë kö -waan -a yö. ⁶'Yö ka 'ö 'ka bhë, 'ka -an -san zɛ =a? Ka gia-, -dhe 'ka- -ga bhë, dö -nu 'kpaan 'ö =ya kɛ 'wo ka 'gbee- -ta bho, 'wo dho ka 'ka zakanmɛ -nu 'dhiö 'ö yaa kɛ =bhɔɔmɛ -nu 'wo bhë -an 'ka ɛɛ? ⁷Wo do 'wo bhë =ne 'ö 'tɔ -sɛɛnɛ 'ö Yesu Klito -tɔ 'ka, 'ö -Zlan -ya nu kwa -dhë bhë 'ö =ya kɛ 'wo- zɛ 'dhii.

⁸Kɛ- wo bhë, =ya kɛ =ne tɔng 'ö dɔ -sü 'ka -Zlan -bha -gludɛdhe -pö -bha 'ka, 'ö -ya -sü 'ka -a -bha 'sɛɛdhe 'gü =ne: -Bhö ü -ya 'yɔɔ -dho kɛ =ne -kɔ 'ö ü -de -dho -yö ü -kaa' bhë -a 'dhö bhë, 'ka- 'kun ö 'kun -kɔ 'ka kö ka- -kɛ -sɛ. ⁹'Kɛɛ =ya kɛ =ne mezɛgüdhe =ne 'ka- kɛ -sü 'gü, kö =sɔɔn yaa =ne 'ö 'ka- kɛ -na bhë; 'ö kö tɔng -yö -dho ka kun, bhii kö 'ka- -lö 'gü. ¹⁰'Ö tɔɔ mɛ 'oo mɛ 'ö =ya tɔng -nu 'wo bhë -an do -lö 'gü kö =ya -an 'plɛ -lö 'gü =ne bhë. ¹¹Kɛ- wo 'dhö bhë 'ö tɔɔ mɛ gia- 'ö- pö: «Kö -kun 'ü -da dhe 'piö 'iin kö =kun 'ü mɛ gbe -bha dhe 'too bho -a -ta» bhë, yö do bhë =ne 'ö- pö 'zü: «Kö -kun 'ü mɛ zɛ». =Ya kɛ 'dhö, 'kö -kɛ =ne 'bhaa -da ü 'bha -bha dhe 'piö 'iin 'bhaa ü 'bha dhe -bha gɔɔn- 'too bho -a -ta, 'kɛɛ kö tɔng 'ö -gban «kö -kun 'ü mɛ

zë» -bha bhë, 'bha- -lò 'gü, kö tóng -to 'dhö -sü -ya ü 'kun -ne bhë. ¹²-Ya kè 'dhö, ka 'wun -nu -blee' -na 'iin ka pè -nu kè -na, kö -kun 'ö ka -zlö -yö -trö -ne tóng 'ö -potaasü nu me -nu -dhë bhë -a -bha za 'ö dho kan bhë -yö -tun ka -gö zian-; ¹³bhii za 'ö dho kan bhë, me 'yena yö -sü 'ka 'dho kè -a 'gü me 'ö yaa me 'yena yö -a -bha 'ka. 'Kee -ya kè -ne 'ka me -nu 'yena yö, kö -kun 'ö 'suö -yö ka kè -Zlan -bha zakanyi -dhë, 'ö bhii -Zlan -yö -dho ka 'yena yö 'pö.

'Wun 'ö -gban -zo -yö -Zlan -bha -sü waa- 'wun kè -sü -an -bha

¹⁴N dhegluzë -nu, -ya kè -ne me -yaa- pö: «-Zo -yö -Zlan -bha -sü -yö n -gö», 'kee kö 'waa- yö -a këwun -nu -bha kö -a -bha -zo -yö -Zlan -bha -sü bhë -a -yö -a -bha -pè -dho kè -më 'ka ee? Yö 'pö dhoë- dha -ee? ¹⁵Wun -zuan' do -ga -ne: 'Ka dho ka dheglume -plöö yi do 'ka, 'ö ka gia- ka 'yan -ya -da -a 'gü -ne -kpatasö -nu 'waa -an -gö 'iin -bhöpè -nu 'wo dho wö -a -ta yaa bö -an 'dhi, ¹⁶ka gia-, -dhe 'ka- -ga bhë -yö -së kö 'ka -an 'to 'nene waa- din bhë -an 'gü 'ka ka -wo -da -an -dhë -ne: «N -kö -yö ka 'piö mü», 'iin: «-Ka yö -së bho» -a? ¹⁷-Kö do bhë 'ö- 'ka -zo -yö -Zlan -bha -sü 'piö 'pö. -A -yö -a -bha -pè gbe 'ka 'dho kè -dhö; kö -yö ga -sü 'ka, bhii -a këpè gbe 'yaa 'dhö.

¹⁸'Kee kè- wo 'dhö bhë, me -ple -wa kè -dhö 'ö- me do -yaa- pö -zo -yö -Zlan -bha -sü -yö ö -gö, 'ö- me kè -ple -naa -yaa- pö 'pö ö 'wun -së -kè me -nu -dhë, a dhoë- pö -an -dhë: -Zo -yö -Zlan -bha -sü 'ö bhë, dö -kö 'ö döa kö -a 'piö -pè -nu 'wo -kè këwun -së -nu 'ka 'waa 'dhö bhë, -a -zön -dhe gbe 'yaa -dhö; 'ö töz -zo -yö -Zlan -bha -sü waa- ö këwun -nu -ne 'ö 'wo dho wo 'ko 'piö. ¹⁹-Yö ü -zo 'piö -ne bhi do -ne 'ü (kwa Dë) -Zlan -bha -kè do -sü -wun -dhe 'wun gia-, 'ö 'ü dö ü -bha -zo -yö -Zlan -bha -sü 'sloo 'ka bhë -a? -Zuu yaa -nu -de 'pö, -a me 'kö bhë -wa -tei' -dö, 'ö 'wo -zluun -a 'dhiö 'suö -dhë. ²⁰Bhi 'bhaa 'wun dö 'ü -ne, ü 'to 'to 'a 'wun -zuan' do -zön ü -dhë dhe, bhii -zo -yö -Zlan -bha -sü 'ü- -ga -na bhë, -a -yö -a -bha -pè gbe 'yaa 'dhö kö waa- -ta -kpa wo këwun -nu 'ka. ²¹Ablaamö kwa 'bhema 'ö bhë, -më 'ö- -kè 'ö -Zlan -ya dö -a -bha kpengdhö -e? -Yö -sü -a këwun -nu -bha, 'ö töz yi do 'ka (-a -bha -zo -yö -Zlan -bha -sü -wun 'gü), -yö ö gbö Izaakö gbaö -kè -Zlan -dhë slapè 'ka, -dhe 'ö dho ö -bha sla- bho -a -bha bhë -a -bha. ²²'Bha- yö -a? -Kö 'ö- -bha -zo -yö -Zlan -bha -sü waa- -a këpè 'wo dhoë wo 'ko 'piö bhë -a -ga bhë 'dhe! -Kö bhë -ne 'ö- -bha -zo -yö -Zlan -bha -sü -yö -kaa' 'dhiö -mö 'kuë -sü 'ka bhë; 'kee kè- wo 'dhö bhë -yö -sü -a këpè -nu 'wo -kè -a 'piö -pè -nu 'ka bhë -an -bha. ²³-Yö -been' -sü 'ka -Zlan -bha 'sëedhe 'gü -ne: *Ablaamö -yö ö -zo -yö -Zlan -bha, 'ö -Zlan -ya yö me kpengdhö 'ka, -a -bha -zo -yö -Zlan -bha -sü -wun 'gü.* -Kö bhë -ne 'ö -kaa' 'ö pè 'ö -been' -sü 'ka 'ö- 'dhiö -yö -mö -a 'ka 'kuë. Pè 'ö -kè 'ö -Zlan -ya -dhe zlöö ö 'bha 'ö bhë. ²⁴Ka- yö -a; -ya kè 'dhö kö me -bha -kè kpengdhö -sü 'ö -Zlan wö 'dhiö bhë -yö -sü -a këpè -nu -bha; yaa 'sü -a -bha -zo -yö -Zlan -bha -sü 'sloo -bha.

25Pë do bhë 'ö -kaa' Laabö, -sɔɔnkédhe -bha 'ka. Kë- wo bhë, -a -bha -kë kpengdhö -Zlan wö 'dhiö -sü bhë, -yö -sü -a këpë -nu -bha; 'ö tɔɔ -glunaakëme -nu 'wo -kë Zuifö 'ka ('ö Zozue -yö -an bɔ -waan 'dho Zeliko -pö waa- ö -zütodhe -nu 'piö, -ga -binblü -dhia) bhë, -yö -an -nia -kun 'ö nu -an -dhë 'ö 'wo dho wo -plöö, zian gbe 'sü -sü 'ka kö =wa yën. 26('Wun -nu 'wo bhë, a- -blɛɛ 'dhö ka -zo -büö -wun 'ka,) bhii -kɔ do 'ö bun 'dhoë- 'ka pë 'kpaan 'ka kö 'të -sü 'yaa- -gɔ bhë 'ö -zo -yö -Zlan -bha -sü 'dhoë- 'ka, kö -a 'piö -pë -nu 'wo -kë këpë -nu 'ka bhë, waa kë -dhö.

Me nega -yö -kë -ne 'siö 'dhö

3 1N dhegluzë -nu, -kë me =daan' -mɛ 'ka -sü 'ö 'ka -yaa =wuën' =plëézë 'ka bhë, kö -kun 'ö 'ka -kë =plëézë -a 'gü, bhii -a -ga 'ka- wo -na bhë me 'yi- 'gü bhë, za 'ö dho kan bhë, yi -bha -dho kë 'gbee- 'ö -ziö -a 'ka me -nu 'ö 'waa- 'gü bhë -an -bha -ta. 2Kwa 'plesen, kwa -piü 'wun -nu 'gü -kɔ =plëézë -ta 'kɛɛ kë- wo 'dhö bhë me 'ö 'yaa -piü 'gbædhö ö =blɛɛ' -wun -nu 'gü, kö yö =ne 'ö tɔɔ me 'ö- -bha 'ta -kɔ 'dho -mɔ -sü 'ka 'kuë. Me 'ö 'dhö bhë -a -kɔ -yö -mɔa kö -yö ö -de =kɔɔn. 3-Kwa -dhe -ga -a 'gü -sɛ 'ka; 'ö =ya kë =ne 'kwa 'klang -nu yö =soo -nu dhiö kö pë 'kwa- =mɛɛ kun tɔɔ kö -waan 'wun ma kwa -ta -a? -Kɔ bhë =ne =ya kaa zlöö, 'ö kwa -kɔ -ya -mɔ =soo -nu 'wo 'dhö bhë -an -bha. 4'Iin 'zü -ka 'yitagɔ =vava -nu -ga 'dhe! 'Kö -kë =ne -wo =va 'dhee, 'ö =ya kë 'ö 'tëë -nu -wo dho -an 'ka -dhe 'saadhö 'gü, pë 'kö =ya kë 'ö- -blüme =yaa- 'pa ö -de -dhë, 'ö zian -zɔn -a -dhë bhë -yö 'teete 'kpaan 'ka. 5-Kɔ do bhë 'ö me nega 'dhoë- 'ka 'pö me bun -bha. -Yö 'teete 'ka 'dhö me -dhe me -nu 'wo to -an -bha, 'kɛɛ -a =blɛɛ' -wun -nu -wo -ziö -a -de -ta. Ka gia-, -ka -dhe -ga bhë 'dhe; -kɔ do 'ö 'siö pë 'tee -de -yö -mɔa' 'ö blii -to 'dhö -sü =kaa' siën- =bhaa -dhe 'ka bhë =ne 6'Ö nega 'dhoë- 'ka 'pö. 'Wun yaa 'kpekpe -yö nega 'ö kwa -gɔ bhë -a 'gü. -Yö kwa dɔ do 'ka 'dhö 'kɛɛ -a -kɔ -yö -mɔa -yö 'wun yaa -pen kwa bun 'gü -dhe 'plesen -bha. -Ya kë 'ö 'siö 'ö 'go -na =glöötiaandhö bhë 'ö- -da kwa -bha -tosiadhe 'plɛ 'gü. 7Me -kɔ -yö -mɔa kö wü =suu' -'oo =suu' -'ö 'blü -ya -to, -yö 'wun ma -a -ta; -yö -ma -nu 'piö oo, -yö 'wun -nu 'wo =gblëë wo 'gu -ta -an 'piö oo, -yö 'yuö- -nu 'piö oo, -a me 'ö dho kun -a 'ka 'yaa 'dhö. 8'Kɛɛ pë me 'ö 'wo- -dhe me nega bhë, me yaa kë -dhö do -kun kö -yaan -a pö: «N -kɔ =ya -mɔ -a -bha». -Yö 'wun yaa -go -a 'gü -pë 'ka 'dhö; yö do bhë 'zü, pë 'ö me -ya kuënnu -kɔ dɔ 'yaa -mü, -yö pa -sü 'ka me zë -pë 'ka. 9Yö =ne =ya kë 'kwa- sü 'ö 'kwa kwa Dëme, kwa Dë zuö pö -a 'ka; 'yö yö do bhë 'zü =ne 'ö =ya kë 'kwa- sü 'pö 'ö 'kwa 'dhangga =yaa' me -nu 'ö -Zlan -yö -an -da ö -bhɔa 'ka bhë -an -bha. 10Ka gia- ka- -yö bhë =a! 'Dhi do bhë, =sɛɛ- pö -wo waa- 'dhangga -ya me 'ka -wo -wo go -a 'gü =dheɛ? N dhegluzë -nu, kö -kun 'ö 'kwa- -kë 'dhö. 11(=Dhe 'ö 'ka bhɔ =ne,) 'ka- yö do =ne 'yi 'güüzë waa- 'yi din -sëézë =wa bhɔ do 'yi 'tɔɔ- -gɔ do =bhaa =a? 12'Iin 'zü olivö bhe =ya -ya do figö -lü tuö 'iin figö bhe =ya -ya do lezen -kpa 'lü 'wo -drɔɔn kë -na -a 'ka

bhë -a -lü tuö, 'ka- yö a? N dhegluzë -nu, 'ö bhii -kɔ do bhë -nɛ 'ö kweezö -yi bhë -waa- 'tɔ 'yaa kë mɛ -gɔ 'yi din -sëëzë 'ka.

'Kpaakpadhe 'ö go -Zlan 'piö

¹³(Ö -ya 'go mü 'zü, n dhegluzë -nu, a -dho -a pö ka -dhë 'zü -nɛɛ:) Kö mɛ -ya kë ka ziën 'ö 'kpaakpa, 'ö 'wun -nu -yö 'ko 'dhiö -kɔ dɔ, kö -a 'ta -sü -kɔ -nu, -a -bha 'wun kë -kɔ -nu -wo kë -së; 'iin kö -yö ö -de sü 'tee -nɛ mɛ 'ö 'kpaakpa -a 'dhö. ¹⁴Ö -ya kë -nɛ -zuögüdhe yaa 'ö -ya kë 'ö nu -glueng' waa- pë -ta -kɔɔ' -sü -an 'ka bhë -yö ka -gɔ, kö -kun 'ka ka -de sü -va -nɛ ka 'kpaakpa, 'ka 'wun gia- to, 'ö 'ka -sua -kë. ¹⁵Ya kë 'dhö kö 'kpaakpadhe -suu' -mɛ bhë, yaa 'go -Zlan 'piö, 'kɛɛ -yö 'kpongtaadhe waa- 'ö 'gü -mɛ -nu -an wɔ -kɔ -bha 'ka, kö -yö -go dü 'gü. ¹⁶Ö bhii -dhe 'oo -dhe kö -glueng' waa- pë -ta -kɔɔ' dhe 'wo- -bha, kö -dhe bhë pë -kaankuëdhe waa- pë yaa -suu' -saadhö -wa -bha 'pö. ¹⁷Kɛɛ 'kpaakpadhe mɛ 'ö go -Zlan 'piö bhë -yö -kë 'puu; -yö -nɛ 'ö -zuöyagluu 'dhö, -kë 'lëälë -sü waa- 'kowogümadhe 'wo go -a 'gü. -A 'glu -yö -së, 'ö- këwun -nu 'dhö -së; 'yaa pë -nu kë mɛ -nu -zë 'gü dhe -bha 'iin 'yaa pë -nu kë dɔ 'a- kë -nëdhö -an 'yaan- kun -sü 'ka -sü -bha. ¹⁸Mɛ -nu 'ö -an -bha pë -nu kë -sü 'gü, 'wo kë -na -zuöyagluu -gen 'ka mɛ -nu 'wo -an -zü 'to -an -dhë bhë, pë 'ö kë -na -an -truën 'ka 'ö tɔɔ -tosiadhe 'ö kpengdhö.

-Ka 'kan dü -bha, 'ka ziö -Zlan 'piö

4 ¹(N dhegluzë -nu,) -dɔn -nu waa- 'dhinaa -nu 'wo ka ziën 'ö 'waa yën bhë, -wo -go ka -zuö' 'piö -wun yaa -nu 'wo wo 'ko -gaan 'gan -na bhë -an 'gü. ²Ö -ya kë -nɛ pë -dho -yö ka kë -na, 'ö pë bhë 'kaa -mɔa 'ka -yö, kö 'ka bho mɛ zë -sü -bha. -Kɔ do bhë 'ö- 'ka, kö 'ka kë 'dhinaakëme 'ka. Kë- wo 'dhö 'ö pë bhë 'kaa- yö bhë, 'ö tɔɔ 'kaa- -dhe -Zlan -gɔ. ³-A -de -a -ga 'ka- wo bhë, 'kö -kë -nɛ ka- -dhe -Zlan -gɔ 'dhee, 'kaa- yö, bhii ka -zuö' 'piö -wun -yö ya, 'ö tɔɔ pë 'ö 'ka- -dhe -na bhë, pë 'ö 'ka dho ka -de -dhoɔbhaapë kaa yö -mü. ⁴Mɛ -nu 'kaa -to zian do 'piö -nɛ, 'kaa- -tei' dɔ -nɛ 'ka -klu 'kpongtaapë -nu -bha kö 'ka kë -Zlan yaagüme -nu 'ka a? ⁵-Yö -been' -sü 'ka -Zlan -bha 'sëëdhe 'gü -nɛ: -Zuu 'ö -Zlan -ya -da kwa 'gü bhë, -yö -druci kë -na; -ya 'piö kö 'kwa kë -Zlan do 'sloo -bha 'ka. -Yö kë ka 'yaan -nɛ -wo 'ö bhë yaa -ya 'sëëdhe 'gü 'dhö 'kpaan 'ka, -ya 'sëëdhe 'gü -dho -bha. ⁶Kɛɛ kë- wo 'dhö bhë, -Zlan wö -yö -sië' -sü 'ka -kplawo kwa 'piö -nɛ -kɔ 'ö -been' -sü 'ka -a 'ka -Zlan -bha 'sëëdhe 'gü bhë -a 'dhö -nɛɛ: -Zlan -yö -dɔ -desüivame -gɔ 'yënnng, 'kɛɛ -yö 'glusë -kë -de -sü 'tee -mɛ -nu 'ka. ⁷-Dhe 'ö -kë 'dhö, -ka ka -gɔ 'dho -Zlan -dhë sia-, 'ka dɔ dü -gɔ 'yënnng; -ya kë 'dhö, -yö -dho -duë ka -dhë 'ö dho -gbiin. ⁸-Ka -yɔɔn -Zlan -bha kö yö -de 'pö -yaan -yɔɔn ka -bha. -Ka ka -kɔ bho 'wun yaa kë -sü 'gü; mɛ -nu 'kaa 'to zian do 'piö 'ka -nɛ, ka -zuö' -yö kë 'puu. ⁹-Ka kë 'yenazë, -ka ka -de dɔ pë yaa kë mɛ 'ka -mɛ 'ka, 'ka 'gbo -nu bɔ. Pë 'ö -kë ka -gɔ -zuögludhi -wun 'ka

ö 'ka- 'yee -nu to bhë, -wo kë ka -gɔ 'gbo -gen 'ka. ¹⁰-Ka ka -de 'dho sia-
kwa Dëmë wö 'dhiö; -yö -dhö ka -luu'-.

Kö -kun 'ka za dɔ ka dheglu -nu -bha

¹¹N dhegluzë -nu, kö -kun 'ka ka 'ko -nu -wun yaa =blɛɛ; bhii mɛ 'ö -ya ö
dheglu -wun yaa =blɛɛ', iin -ya za dɔ -a -bha, kö -Zlan -bha tɔng ('ö- pö -kwa
kwa 'ko -nu -dhö kë bhë) -yaa- -wun yaa =blɛɛ' -nɛ bhë; kö -ya za -ya -a -bha
-nɛ bhë. 'Kɛɛ kö kwa- =tɛi' -dɔ =nɛ mɛ 'ö -ya za -ya tɔng -bha, kö tɔng bhë, -a
'kun -mɛ 'yaa -mü bhë. ¹²-Zlan dosen 'kpaan 'yö tɔɔ tɔng -nu mɛ -dhë -mɛ; yö
-nɛ 'ö mɛ -bha za -kan; yö do gia- bhë -nɛ 'ö za -ya -ya mɛ -bha, 'ö -mɔa 'ö mɛ
dha 'iin 'ö mɛ 'gü =siö'. -Ya kë 'dhö kö dö -mü ü 'ka 'ü za dɔ ü -ya 'yɔɔ -bha -ɛ?

Kö -kun 'ka ka -de sü =va

¹³'Wun 'ö -gban ka -bha 'a 'dhoë- =blɛɛ' -bhë; -ka ka 'to 'to n -ma. -Ya kë
ka- -pö: «=Dɛɛ 'iin =dhia', yi -dho dho pö- mɛ =nɛ -a 'gü kö 'yiën- 'dhɔɔ -nu
dɔ -kwɛ do 'piö; yi -dho 'wëü- yö =va 'ka 'ma.» ¹⁴Ka- -pö 'dhö, 'kɛɛ pɛ mɛ
'ö dho kë kaa -dhia', 'kaa- dɔ! Ka -bha -tosiadhe -yö -kë =nɛ 'dhuu pɛ 'tee
'ö =luu 'ö yaa =glɔɔ 'ö to mü 'ö -ziö -a 'dhö. ¹⁵Pɛ 'ka dho -a pö =zian' 'ö tɔɔ:
«=Ya kë Dëmë -zo 'kun -wun 'ka, kö 'yiën- -tosiadhe kë -dhia', yi -dho pɛ
mɛ =nɛ -a kë.» ¹⁶'Kɛɛ 'yaa kë 'dhö 'sa, 'ö 'ka 'dhi =va 'gü -wun =blɛɛ. -De -sü
=va -suu'- mɛ 'ö bhë -yö ya. ¹⁷=ɛɛ, =aoo! 'Ma ka 'paan bho =va =nɛ bhë. -Ya
kë 'dhö kö mɛ 'ö pɛ 'ö- këpɛ 'ka 'ö- 'yaan -wun 'ka 'ö 'yaa kë bhë, kö ö -de
-kë 'plɛ 'ö- wo -na =sɔɔnyaakɛmɛ 'ka bhë.

'Wun 'ö -gban =bhɔɔmɛ -nu -bha

5 ¹Mɛ 'ka =bhɔɔmɛ 'ka, 'wun bhë -ya yö ka -bha 'sabla. -Ka 'gbo -nu bɔ
ka -wo -ta 'gbee- 'ka, 'wun 'gbee- -nu 'wo dho nu ka -ta bhë -an -wun
'gü. ²-A pö 'a- wo 'dhö bhë 'ö tɔɔ =bhɔɔpɛ -nu 'wo ka -gɔ bhë -an 'plɛ -wo
'bu -sü 'ka 'ö ka -bha -kë -bha -sɔ -nu 'wo bhë 'pö 'ö pɛ 'bhee- -nu =wa -an
-bhö 'saadhö. ³Kaa- 'sɛnng -nu waa- kaa- zɛn -nu 'wo bhë 'kaɔ -dho -an
kun. 'Kaɔ 'ö bhë =nɛ 'ö dhö -zɔn =nɛ ka këwun -yö ya (wo =nɛ 'ö 'ka dhö
bɔ -an -ta kö za -yaan ka 'kun). Pɛ do 'ö 'kaɔ -ya -kë kaa- zɛn waa- kaa-
'sɛnng -nu -an 'ka bhë =nɛ 'ö dhoë- kë ka 'ka 'pö =nɛ pɛ 'wo- pö -a -bha 'güö
'ka- wo 'siö =kwaa' -a 'dhö, 'ö tɔɔ 'tɔng -kaanta -nu =wa yö =klöö', 'ö 'ka -tun
ka -gɔ dɔ 'wëü- =mɛɛ' -sü 'gü =nɛdhö bhë. ⁴'Go mü, mɛ -nu 'wo yuö -nu
kë -na ka -bha =bhlöödhe -nu -bha bhë, kaa -an =saan' bho. -Ka -dhe -ga
'dhe! Wo =ga 'ö -an 'we -zuö 'dho dɔ -na 'ma bhë; yö =ga 'zü 'ö mɛ -nu 'wo
ka -bha =bhlöödhe -yuö kë -na bhë, 'ö -an -wo 'yena -zë bhë =ya -lo kwa
Dëmë -Zlan 'piigbeeze 'piö bhë. ⁵Ka ka -bha -tosiadhe -kë -dhe -së -dhe 'gü
'kpongtaa zö 'ö 'ka ka =dhɔɔbhaapɛ -nu -kë; 'ka -ba -bhöpɛ -nu -së -gɔ =nɛ
pɛ 'wo- pö -du 'wo- 'dhi gba kö -waan zë -a 'dhö. ⁶Mɛ 'ö kpengdhö 'ö yaa
pɛ gbɛ kë, 'ka- kun 'ö 'ka- zë; 'yaa ö -de -ta =kɔɔ' 'teete -dewo.

'Wun -nu 'wo -gban -zuösaadhe waa- -bhea' -sü -an -bha

⁷N dhegluzë -nu (ka 'ö 'ka Yesu -wun -dhe 'wun gia- bhë), ka -zuö' -yö kē -saa, -yö 'dho -yö yöë kwa Dëme nu -yi -bha. -Ka kē -ne pëtame 'ö ö -bha tapë -nu -së dhi -yi 'dhiö -gan 'ö dho 'ö yöë -an bho -yi -bha -a 'dhö; -ya kē 'dhö 'ö ö -zuö' kē -saa 'ö dɔ 'ö dha 'yi -bleezë -nu -wo yö sia-, 'ö -kpɔɔ -yö yö mü, 'ö toë 'dhö 'ö dha 'yi -kaanta -nu -wo ban, -yaan -tun ö -kɔ -da -na ö -bha -bhlöödhe 'gü. ⁸Ka -de 'pö, ka -zuö' -yö kē -saa, 'ka ka 'gü dɔ 'gbee-, 'ö tɔɔ kwa Dëme nu -yi -ya yö -klöö'.

⁹N dhegluzë -nu, kö -kun 'ka ka -wo kpɔ ka 'ko -nu -gɔ -yö kē 'dhö kö -kun 'ö -Zlan dho za -lo ka tuö. -A -de za bhë -a 'kanme -ya yö -klöö'. ¹⁰N dhegluzë -nu, -Zlan -wodhiölome -nu 'wo -kë 'dhiö -zian' 'wun -blee' - dhia kwa Dëme 'tɔ 'gü bhë, -ka -an -ga 'dhe! -An -bha -zuö' -kë -saa -sü -wun 'gü wo -bha 'klobhodhe -nu 'gü, -ka -an 'sü ka -bha 'wun -zuan' 'ka. ¹¹Kwa -an -ya 'ti -kë -ne me -nu 'ö -Zlan -yö 'dhuë- kpɔ -an -bha -an 'dhö, 'ö tɔɔ -wo 'yena -kë, 'kɛɛ -wo -to -klu -sü 'ka -Zlan -bha. 'Wun 'ö -gban Zɔbö -bha -zuösaadhe -bha ka- -ma; 'go mü 'zü, 'wun -së 'ö kwa Dëme -ya -kë -a -dhë -a -bha 'yena 'dhiötöyi 'ka bhë, ka- -taa -ma 'pö; 'ö bhii kwa Dëme 'ö 'ka- -ga -na bhë -a -bha me 'yena yö -sü waa- -a -bha 'glusë -wo -va giagiawo.

¹²N dhegluzë -nu, -ka ka 'to 'to n -ma: Kö -kun 'ka ka -wobhödhe kē (-a -zɔn -sü 'ka -ne pë 'ka- -wo -bhö bhë 'wun gia- -mü), 'ö 'ka- wo -Zlan 'ö dhang- 'gü -a 'tɔ 'ka, 'sɛ -tɔ 'ka, 'iin -kɔ -suu' -saadhö -ta. 'Kɛɛ 'ka 'wun -blee', 'ö -dhe' -ya kē -a 'piö -waa- 'kpɔ ka -gɔ, 'ö- -daa dho kē -dhö, -ya kē -ii- 'ka, -kaa -ii- pö; 'ö -ya kē -abi' 'ka, -kaa -abi' pö, -yö 'to 'dhö, -yö kē 'dhö kö -kun -Zlan -bha za 'ö dhö kan me 'ple -bha bhë, 'ö dho ka kun.

¹³-Ya kē -ne me -ya kē ka ziën 'ö -ya kē -wa -bhö -sü 'gü, kö -yö -bhea -Zlan -dhë; 'iin 'zü 'ö -zuögludhi 'gü kö -yö 'tan -nu bho -Zlan 'tɔ 'piö. ¹⁴-Ya kē -ne me 'bhaa -ya kē ka ziën 'zü 'ö 'yaa 'po -sü 'ka -taa', kö me 'wo me ziizii -nu 'ka -Zlan -gɔ kɔɔ bhë, -yö -an -dhɔɔ kē kö -waan -a 'dhiö -bhea' wo -Zlan -dhë, 'yɔn -yö -a tuö -sü 'ka kwa Dëme 'tɔ 'gü. ¹⁵'Yö -bheawodhe 'ö -kë kwa Dëme -dhë bhë, -ya kē -zo yö -sü 'ka, me bhë kwa Dëme -yö -dho -potaasü nu -a -dhë, 'ö -ya kē -ne 'wun -ya -bha -tosiadhe 'gü, 'ö dho ziö -a -ta. ¹⁶-Ka ka -bha -sɔɔn yaa -wun -nu -blee' -ka 'ko -nu -dhë; ('ö -ya kē 'dhö 'ka -bhea' ka 'ko -nu -wun 'gü,) 'ö -Zlan -yö ka -dhe bo; 'ö tɔɔ me 'ö kpengdhö -Zlan wö 'dhiö bhë, -ya -bhea -Zlan -dhë ö -zuö' 'ple 'ka, -a 'gü -pë -yö -kë 'gböngböng. ¹⁷-Ka -dhe -ga 'dhe! 'Wun -zuan' do -ga -ne. (-Zlan -wodhiölome do -yö -kë -dhö 'kpa, 'wo- -dhe Eli.) Eli bhë kē- wo 'kpa, -yö -bhea -Zlan -dhë ö -zuö' 'ple 'ka kö -kun 'ö dha dho ban; 'ö- -de -yö -kë -ne -kɔ 'ö -dhe -a 'ka bhë -a 'dhö; dha yaa ban 'dhö -kwe -yaaga waa- ö 'gbu -an 'piö; 'kɛɛ kö kē- wo 'dhö bhë 'sa, Eli -yö -kë me 'bhee- 'ka -ne kwa 'dhö 'pö. ¹⁸'Yö -dhe 'ö go mü, 'yö -bhea 'zü, 'ö dha -yö ban 'ö tapë -nu -wo -dhi 'kpongtaa.

¹⁹N dhegluzë -nu, =ya kë -ne me =ya kë ka ziën 'ö =ya 'go 'wun gia- -zian -ta, kö -kaa 'slë =mεε'- 'kaan- -da zian kpengdhö -ta; ²⁰bhii a- -pö ka -dhë, me 'oo me 'ö 'dhoë- me 'ö =ya -püö =sɔɔn yaa 'gü -a bho zian 'ö- 'dhiötodhe -yö -kë ga 'ka bhë -a -ta, kö =yaa- kë me bhë =ya -da -Zlan -bha zian -ta; -Zlan -yö -dho ziö me bhë -a -bha =sɔɔn yaa -nu -ta.